

DISSERTATIO EX

DE

VERA NOT

VOCIS

TEΛEI

EIVSQUE ET DERIVATAR
IN EPISTOLA AD

CVM

OBSERVATIONIBVS QVIBVSD
HVIVS EPISTOLAE LOCA S

QVAM

AVSPICE D

RECTORE MAGNIFICO
SERENISSIMO PRINCIPE

DOMIN

WILHELMO H

DVCE SAXONIAE IVLIACI CI

ANGARIAE WESTPHALIAE C

ET WITTGENSTEINII

AMPLISSIMI ET SAPIENTISSIMI
ORDINIS INDV

AD APRILIS A. R. S. CIO IO

PRAESI

M. OTTONE LV

KOENIGSM

PVBLICAE ERVDITORVM συζη

RESPONDE

JOHANNES CHRISTIAN

BIBRA - FRANCVS SS. THEO

JENAE, LITTERIS CHRISTIAN.

3
EXEGETICA
E
OTIONE
G I S
E I O C,
ATARVM VOCVM VSV
AD HEBRAEOS
V M
BVSDAM CONTROVERSA
OCA SPECTANTIBVS.

A M
E DEO
NIFICENTISSIMO
NCIPE AC DOMINO
MINO
O HENRICO
ACI CLIVIAE MONTIVM
LIAE COMITE SAYNAE
TEINII RELIQUA

TISSIMI PHILOSOPHORVM
INDVLTV
CIC CC XXXVIII.
E S I D E
LVDOVICO
SMANNO
VM ΟΥΖΗΤΗΣ S V B M I T T E T
N D E N S
TIANVS SCHVBART

S S. THEOL. CVLT.
STIAN. FRANC. BVCHII.

Ignatius Epist. ad Smyrn.

Αρχὴ ζωῆς, πίσις. τέλος δὲ, ἀγάπη. τὰ δὲ δύο ἐν ἐνοτητί' γε-
νομένα θεὸς ἄνθρωπον ἀποτελεῖ.

Clem. Alexandr. Παιδ. Lib. I. Cap. 17.

Βαπτίζομενοι φωτίζομεθα : φωτίζομενοι υποποιεῖμεθα : υποποιεῖμεθα
τελειοῦμεθα : τελειοῦμενοι ἀπαθανατιζομεθα.



PROOEMIUM.



Rdua est, quam aggredimur, Sincere
 LECTOR, usus vocum *τελειος, τελειωσις,*
τελειωσις, τελειωτης & τελειωτης in Epistola ad
 Hellenistas Judæos expositio. Si enim
 ulla in hac epistola vox est gravissimi
 momenti, quæ omnem meretur me-
 ditationis operam, certe nostra est,
quod totius epistole constituat argumentum: qua
 quidem in re, si, ad quos scripta sit, consideres,
 assensum nobis haud denegabis. Missa nimirum
 ea est non ad *νηπιος*, rudes, gentiles, tirones, &
κατηχημενους, quibus prima christianæ doctrinæ ele-
 menta erant ingerenda, sed edoctos jamjam in
 fide christiana, & in præceptis doctrinæ salutaris
 probe institutos. Quantæ vero in adplicandis sa-
 lutis per Christum mediis Judæis præ paganis erant
 A 2 præro-

prærogativæ? habebant promissiones, vaticinia, typos, & delineationem Novi Fœderis in umbra; quid mirum, quod cognoverint perspicacius implementa, veracitatem Dei, antitypum Christum, & veritatem christianæ confessionis? ut adeo, si mens multorum tam læva non fuisset, excidere felicitate per Christum parta ne unum quidem potuisse putares.

Sunt utique tales, ad quos exarat literas Magnus Gentium Doctor, qui cognitionem veritatis adsensu suo comprobaverant, qui viam salutis probe norant, qui per ministerium discipulorum Christi & Apostolicorum virorum omnia hauserant ad animarum salutem necessaria. Quod ipsum in epistola passim non obscure significatur. Sane, *quorum erat officium audita & edocta firmiter conservare, ad quos ab ipsis Domini discipulis translata erat salus Novi Fœderis** quibus exemplo abominando proponitur impia majorum cohors, quæ singulari modo gratiosa habens Dei miracula obtorto collo summe gratiæ restiterat, ** non esse non poterant in fundamentis religionis christianæ eruditi. Nihil illis apprecari salubrius poterat

* II. 1. 3.

** III. 7.

poterat Paulus, (quem epistolæ autorem major argumentorum vis evincit, quam ea, quæ pro Luca, aut alio quopiam militat) quam constantem cognitionis usum; nihil illis deerat, quam continuus in felicitate progressus, quam perennia salutis incrementa, quam majores ad cognitionem accessiones: atque hoc ipsum omni data opera agit Apostolus, ut gementibus sub persecutionis onere & hostium furore tērritis addat constantem animum. Est proinde argumentum epistolæ *adhortatorium*, & aptius ei nomen imponi nequit, quam quo ab ipso autore insignitur, *λογου παρακλησεως* *: non tam docet Paulus, quam exhortatur: non tam erudit, quam confirmat: non tam instituit, quam excitat: excitat vero ad constantiam *in fide vera, in vita pia, & in adversis patientia*. Conciliant *παρακλήσει* ejus gravissimum pondus, suntque ad Ebræos aptissima, quæ eam comitantur, argumenta: in veteris Foederis obscuris umbris ambulans lumen evangelii omnia illustrans, omnes dispellens tenebras monstrat, austeritatem Mosai-cæ legis superatam ab Evangelii salutari suavitate, rituum & ceremoniarum molestantem congeriem vinci a salutis mediis in Nova Oeconomia saluberri-

mis ostendit, ut ita opposita juxta se posita magis elucescant. Destruit ante omnia vulgarem Judæorum de Messia opinionem; Christum passionibus, miseriis, afflictissima rerum facie perficiendum fuisse dicit, necessitatemque humilitatis nostri Salvatoris inculcat, qui eo ipso Prophetico munere Mosen,* Sacerdotali Josuam & Aaronem,** Regio Melchisedecum longe antecelleret.*** Felici hoc instituto excitat Ebræos, Viros in Christo, ad avide adplicandam, ad constanter conservandam summam regiminis Messiani præstantiam; atque per hanc quidem constantiam ad vitæ christianæ fastigium eos adducere, nec non excitare in iis ideam aliquam Christi, & christianarum æmulationem virtutum satagit. Non melius illis præbere exemplar, eximius, præstantius, atque perfectius proponere prototypon potuit, quam ipsum omnibus perfectionibus absolutissimum Salvatorem: ad ejus perfectiones adspirare jubet Ebræos ejusque ad imitationem sibi proponere pietatem, constantiam, obedientiam. Et hoc, & illud oratio ejus maxime curat; ad utrumque vividius & exactius exprimendum illis utitur vocabulis, quæ dissertatio nostra in fronte gerit: τελειωθεντες χριστη τελειας ανδρες Ebræos desiderat.

Vi-

* Cap. III.

** Cap. IV. V.

*** Cap. VII.

Vides, mi LECTOR, quid sit nostrarum partium, si, quod suadet inscriptio meditationis nostræ, sumus executuri: erit autem, quo sensu τελειων * τετελειωμενος ** & τελειωτης *** Salvator, quo sensu τελειος **** & τετελειωμενος ***** fideles dicantur, atque, quatenus harum vocum emphasis fidelibus Viatoribus, quomodo Christo competat, & ex qua parte deficiat ad propositum exemplar imaginis similitudo, curate definire. Hoc autem ordine nostro nobis liceat fungi officio, ut antequam horum vocabulorum adplicatam notionem eorumque in epistola usum ostendamus, & definiamus, sedulo inquiramus in primam eorum notionem, & quem usum ea antiquitus habuerint, circumspiciamus. Accedent dein observationes quædam, quas propria quondam meditatio suggessit, quæ nonnullam forsitan lucem iis epistolæ locis afferent, de quorum sensu non easdem fovent sententias Viri Docti. In sinu gaudebimus, si, effecisse nos promissa, dices: eo ipso ad alia nos excitabis in præstantissimo hoc scripto omni studio, omni labore deducenda.

Interea his fruiere, & vale.

* X. 1. 14.

** VII. 27.

*** XII. 2.

**** V. 14.

***** XXII. 23.

CON-

CONSPECTVS DISSERTATIONIS.

- §. I. In primam & veram rum expositiones exa-
vocis & notionem in- minatur. §. XI. Coronidem huic me-
ditationi imponit.
- §. II. Exinde vocum deri- ducit. §. XII. Observationes
exhibet ad controversia
- §. III. Profanum usum quaedam hujus Epistolæ
consulit. I. ad Cap. I. 2.
- §. IV. Quomodo Patres Ec- clesie hac voce usi fue-
rint, ostendit. II. ad Cap. II. 1.
- §. V. Loca N. Fœd. quæ
voces nostras exhibent,
examinat. III. ad Cap. II. 2.
- §. VI. Loca Paulina in E-
pistola ad Ebraeos, in quibus hæ voces occurrunt
recenset. IV. ad Cap. II. 5.
- §. VII. Usus harum vo-
cum Paulinum suis de-
scribit terminis. V. ad Cap. II. 13.
- §. IIX. Quo sensu de Chri-
sto efferantur, docet. VI. nexum probandi
in Cap. IV. narrat.
- §. IX. Quomodo de fide-
libus enuncientur, definit. VII. ad Cap. V. 7.
- §. X. Cocceji, & affec-
tationem facit. VIII. ad Cap. V. 4. 5. 6.
- IX. ad Cap. VIII. 2.
- X. ad Cap. VIII. 9.
- XI. ad Cap. IX. 3. 4.
- XII. ad Cap. IX. 6.
- XIII. ad Cap. IX. 8.
- XIV. ad Cap. IX. 17.
- XV. ad Cap. X. 5.
- §. XIII. Dissertationis fi-
nem facit.



§ I.

N

Unquam satis bene de *vera notione* vocis
cujusdam decernetur, nisi eam vel pro
ipso themate agnoscas, & examines
sedulo, vel, si a themate alio descen-
dat, in hujus thematis atque radicis
significatum inquiras, atque ita deni-
que de notionibus vocis derivatae, &
determinationibus derivatarum reli-

quis, quatenus illæ ad thema accedant, quatenus a notio-
ne eius deflectant, judices. Certo enim certius est, ha-
bere quamvis radicem & Ebrææ & Græcæ, ceterarumque
inprimis linguarum, quæ hominibus, qui versus Orien-
tem incolunt, vernaculæ sunt, notionem quandam *forma-*
lem, quam ajunt, seu omnium primariam, ad quam deter-
minationes reliquæ reduci possunt & debent omnes.
Sunt ideo irritæ querelæ, quod pugnent quandoque in
ling-

lingua Veteris Instrumenti notiones vocum derivatarum cum primo radicis significatu, eique sint prorsus contrariæ, cum tamen de ipso radicis significatu nondum satis constet. Determinationes e. g. vocis; אֵרֶב tales tibi videbuntur, nisi perspectum habeas, radicem אֵרֶב proxime notare: *foramen facere*; ex quo cum insidias struere soleamus hostibus significat deinde *insidiari*: אֵרֶב vel אֵרֶב aut אֵרֶב erit itaque *foramen* primario, vel *hiatus quicunque*, per quem si fumus ascendat, erit *caminus**, si per illum lucem fortiamur conclavi, erit *fenestra* ** si per illum actiones hostium milites, aut cursum ferarum venatores observent, erit *specula* *** si denique per illum aquae caelestes descendant, erit *cataracta* seu apertura & hiatus nubium, per quem magno cum impetu aquæ ruunt. Egregius erit & nunquam satis celebrandus labor, quem a Viro quodam Eruditissimo sperare jubet fama, qui in eo esse dicitur, ut, quam laudabili instituto incepit B. noster S T O C K I V S, pertexat telam, & radicis cuiuscunque primum conceptum ex collatis scripturæ locis, & linguarum cognatarum usu tradat demonstratum. Nostrium jam est officium, quando notionem vocabuli τελειος, (quod, si quodpiam aliud, πολυσημον se nobis exhibet) & reliquarum vocum idem cum eo thema habentium, eruere satagimus, erutamque ad usum Paulinum peregregium & sapientissimum applicare, ut in indagatione ipsius thematis toti simus. Non videbitur cuiquam perdita, quæ huic negotio impenditur, opera, qui gravissimas voluit animo veritates, quibus hæ voces in literis ad Hebræos inserviunt, nec etiam feliciori unquam instituto ad examen accuratum revocari queunt, quæ

* HOSE. XIII. 3.

** 2. Reg. VII. 19.

*** I O B. XXXVII. 8.

**** M A L. III. 10.

quæ de justificatione in Veteri Oeconomia facta, ejusque a justificatione Novi Foederis dissensu sibi persuasit eruditus COCCÉJVS &, qui ejus placita sua fecerunt, vera atque recta putaverunt, & ex locis epistolæ nostræ jam exanimandis adstrui sunt arbitrati, quam si omni studio videatur, num sententia Virorum Doctorum per vocem τελειωσις exprimatur, & per eam stabiliatur, an vero primæ & usitatæ notioni hujus vocis, a qua sine necessitate recedendum haud est, ea contraria sit. Agnoscere vocabulum τε-

λειος primam originem vocem τελος ut nobis persuadeamus, jubet significatus hujus vocis a notione verbi τελλω maxime dissentiens, notiones autem derivatorum native exhibens. *Simplicio rem etiam radicem non desideres, quæ ipsa vero,

B 2

si

* Non enim placet etymon vocis τελος a verbo τελλω. Est qui ita putat VARINVS PHAVORINVS CAMERS in Dictionar. ad h. v. Δοκει δε απο σημνοτητος λεξεως τε τελλειν το τελος γινεσθαι, ποιον αν εκεινο ειποι τις. προανατελλει γαρ πως απασης πραξεως, ο κατα το τελος και αυτε ενεκα τα προ αυτε. Leve sane etymi fundamentum: quia ante omnem operationem oritur aliquomodo, quod secundum finem est, quia propter illum finem sunt, quæ ante illum sunt, ergo denominatio finis petitur ab illis, quæ finem antecedunt. Sed magnum STERHANVM quoque ab hac etymologia non video alienum. Vocis τελος thema constituit τελλω Thes. ling. Græc. Tom. III. p. 1366. & ad vocem τελος p. 1369. ita differit: τελος Finis, exitus. Nisi prima significatio hujus nominis existimari debet illa, quam habet apud Homerum cum alibi, tum ubi dicit, τελος μυθω επιτιθεναι Iliad. τ. Neque enim hic ουδε τελος μυθω επιδησεις aliud est, quam non præstabis re, seu efficies, quod dicis, ideoque non satis apte reddi posse videtur hic τελος voce finis. Sed, quæ commodior videatur, nulla alia in præsentia mihi occurrit, quam effectus existimo enim, talem esse ejus usum apud Nasonem in hoc versu:

si usum ejus consideremus, varios subit significatus, qui nulum primo intuitu suadent consensum. Usitatio-rem quidem non videbis, quam illum, qui per *finem* exprimitur, Novi instrumenti scriptores in consilium adhibeas, aut profanorum evolvas volumina. Vnde est, quod vel cum præpositionibus *εις, κατά, προς*, vel omis- sis iisdem *τελος* adverbialem sæpe indicet, quem dicunt, significatum & *ultimo, postremo, denique* vertatur. Aelian. Lib. X. Var. Hist. Cap. XVI. *Επει ο Αντισθενος πολλες προουτρειπεν επι φιλοσοφικαν. οι δε, εδεις αυτω προσειχον. τελος αγαωνακτησας εδεναι προσιετο*: Cum nullus eorum, quos Antisthenes ad sapientia studium excitabat, ausculta- ret, ultimo indignatus neminem admisit. Verum non usitatio- rem solum sed & primam & formalem hanc notionem ha- bemus, ita vero, ut *τελος* designet FINEM quemcunque INTENTVM. a) I G N A T I V S Epist. ad Roman. quæ inter genui- nas

Non caret effectu, quod voluere duo. Convenit autem hæc significatio nominis *τελος* cum ea significatio- ne verbi *τελλω*, qua ponitur pro *efficio*. Et paulo post: In soluta oratione *τελος* pro *sine* passim obvium est, ubi jungitur etiam cum verbo *επιτιθεναι*, & *διδοναι*, & *εχειν*. Hactenus STEPHANVS. Aut per *finem* intellexit e- ventum & exitum rei, qui præter scopum agentis nonnun- quam accidit, aut non vidit Vir Eruditissimus, omnia, quæ de effectu disserit, frustra dicta esse. Nam ex canone Phi- losophorum, *effectus est finis causa efficientis*. * Quia autem verbum *τελλω* inter speciales notiones habet *efficere*, inde non sequitur, *τελος* deduci debere a *τελλω*. Testimonia Poetarum HOMERI, NASONIS, si contra nos essent, nihil probarent, qui propter mensuram inserunt voces aliquando incongruas; sed contra nos non sunt. Profai- ci denique scriptores, quos ultimo loco citat STEPHANVS nostrum thema confirmant.

a) Addimus INTENTVM, ut finis distinguatur ab utilitate: ille supponit Ens intelligens: hæc non item.

* Vid. Excell. nostri REV SCHII Metaph. §. 272.

nās refertur, p. 244. ex edit N^o C. VEDELII. Δεδομε-
 νος γὰρ ἐν χριστῷ Ἰησοῦ ἐλπίζω υμᾶς ἀσπασαθαι, εἰς τὴν δόξαν
 ἣ τῷ ἀξιώσθηναι με εἰς τέλος ἐναί. Η μὲν γὰρ ἀρχὴ εὐοκονομήτος
 ἐστίν, εἰς τὴν χάριτος ἐπιτυχῶ εἰς τὸ τὸν κληρὸν με εἰς πέρας ἀ-
 νευποδίσως ἀπολαβεῖν. *Vinctus namque in Christo Iesu spero me
 salutaturum vos, si voluntas (Dei) sit, ut dignus habear, qui ad me-
 tam & FINEM INTENTVM perveniam. Initium enim bene se habet,
 si modo gratiam consequar, ut sortem meam sine impedimento ad fi-
 nem usque percipiam.* Quo quidem loco clarior esse non pote-
 rit. Ceteros significatus hujus vocabuli τέλος colligas,
 & sine labore videbis, omnes ad hanc, quæ indicata est,
 notionem referri posse. Sunt fere quatuor determinatio-
 nes, quas vocem hanc sustinere usus sacer & profanus do-
 cet. *Veſtigialia* denotat vox τέλη, & *administratores eorum*
 sacris scriptoribus dicuntur τέλωναι, profanis nonnunquam
 etiam οἱ ἐν τελεί, unde *magistratus* sortitur apud eos
 nomen τῶ ἐν τελεί, apud Xenophontem sæpius id
 legas. Affinis huic significatus est, quem alioquin susci-
 pit vox τέλος, *sumptus, & expensæ*. Est porro alia, quam
 sustinet, notio *turma & cohortis militaris*. Denique ad
nuptias etiam designandas haud raro adhibetur, quod ab
 usu vocabuli τέλειος dependere videtur, quod, ut deinde
 monēbimus, *adultum* etiam describit. Superiores sane deter-
 minationes cum prima, quam suppeditavimus, notione non
 pugnare arbitramur. Sunt vero partim fines intenti,
 partim media, per quæ finis intentus acquiritur, itaque
 miror, quod usus hujus vocis non ad plura adplicatus fu-
 erit, quæ quemcunque finem causæ vel efficiunt, vel
 antecedunt, vel promovent, vel alio, quo demum fiat,
 modo augment. Profani interim scriptores ita hac voce
 quasi abutuntur, sacri vero formalem quæ data fuit no-
 tionem fere servant, nisi quod Rom. XIII. 7. & Matth.
 XVII. 25. eā vectigal exprimat.

§. II.

Si igitur *τελος* primario notabit *finem intentum*: non magna opera cognoscitur, quem inde *τελειος* proxime suscipiat significatum, quid significant *τελειωω*, *τελειωσις* *τελειότης*, & *τελειότης*. Erit nempe *τελειος* is, qui nanciscitur *finem intentum*, *τελειωότης*, qui *finem intentum* rei imponit, vel aliis dat, & *τελειωω* significabit, *finem intentum aequiro*, *τελειωσις* vero & *τελειότης* *finis intenti* erunt *impetratio*. Produunt hac ratione hæc vocabula notionis suæ ambitum. Eum, qui finem intendit, atque vult, media etiam velle, & qui finem adipiscitur, media etiam adhibuisse, tam verum est, quam quod verissimum, tritaque Philosophis regula. *Τελειος* itaque & *τελειωότης* demum erit, qui eo ordine & studio adhibet media, ut fini ultimo & intento convenienter eumque pariant. Cum vero hoc nihil aliud siti, quam instituere consensum plurium a se invicem differentium in vno, seu efficere, ut media a se invicem differentia ad unum obtinendum finem conspirent, consensus autem plurium a se invicem differentium in vno dicatur *Perfectio*, & in quo singula contendunt, vel multa, ad aliquod commune actuandum dicatur *Perfectum* * perfectus is erit, qui vere *τελειος* dicitur, & *perfectum facit*, cui *τελειωότης* & *τελειωω* tribuitur, *habebit* vero *perfectiorem*, qui *τελειωότηα* habet & *τελειωσιν*. Perfectio essentialis est, quæ constat consensu determinationum essentialium, perfectio accidentalis, in qua cum essentialibus determinationes accidentales consentiunt, cum autem *τελος* denotante metaphysica prædito perfectione, sequitur, quod *τελειωσις* proxime indicet eam perfectionem, quæ ad essentialem accedit, seu *aliā, quam quæ est essentialis*, *τελειος* vero dicatur

* Vid. Cel. REV SCHII Met. §. 114. ff.

dicatur, qui consensum essentialium determinationum cum accidentalibus coniungit, seu *qui habet perfectionem accidentalem*. Ubi est perfectio, ibi est ratio determinans perfectionis, nam unum id, in quo consentiunt varia in perfectione est ratio, cū hæc varia in perfecto ita se potius habeant, quam aliter: ratio ista determinans vel ex specie entis deducitur, vel fluit ex genere. Illa dicitur primaria, hæc secundaria. Cum vero *τελειος* designet accidentali perfectione præditum, denotabit proxime *eum qui perfectionem unam habet seu plures primarias*. Simplex est perfectio, si una, composita, si plures adsunt rationes determinantes. Ratio determinans ex specie entis deducta est etiam ratio determinans: Ratio hæc ex specie entis deducta unica esse potest & plures possunt adesse. Consequenter ratio determinans ex specie entis deducta, seu perfectio primaria potest esse composita: aut ratio una determinans ex specie entis desumpta aut perfectio una primaria potest esse simplex: *τελειος* designat omnem perfectionem primariam: Ergo *τελειος* designare potest & *eum, qui habet simplicem, & eum, qui habet compositam perfectionem primariam, seu, qui habet maiorem aut minorem perfectionem primariam*. Prono fluunt alveo quæ hæcenus differimus, ex vera notione vocabuli *τελειος* adhibito sano rationis usu, nec, si attentum adhibeamus animum, adversantur illis Græcorum *θεωπνευστων* Novi Foederis scripta, & vocum nostrarum in Voluminibus profanorum usus.

§. III.

Eam autem intimius fovere notionem, quam ei primariam esse diximus, vocem *τελειος* apud Scriptores Græcorum, ingenti exemplorum congerie probaremus, nisi limites dissertationis menti obversarentur, nisi etiam lector

ἄτορ φιλελλην ea ubiuis haberet obvia. Unum excitasse
 sufficiat exemplum, quod infimul ceteros hujus vocis vsus
 prodat: AELIANVS *Var. Hist. Lib. IV. 3.* Καὶ ὁ μὲν
 Πολυγῶτος ἐγράφε τὰ μεγάλα, καὶ ἐν τοῖς τελείοις ἐργάζεται
 αἰθάλα: ubi quidem notat τελειον id, in quo finis intentus
 impetratus est, in quo omnia ad adultum animal con-
 spirant, quod animalis adulti habet perfectiones
 seu uti ait, PERIZONIUS ad *b. l.* animal *statura*
adultæ, seu, quæ & qualis in confirmata est ætate. Ita
 homo *adultus* Græcis dicitur τελειος, quia nimirum finis
 intentus gloriæ divinæ in eo maxime est impetratus, ut adeo
 τελειοι distinguantur a pueris, & valde adolescentibus, unde
 etiam *nuptiarum* significatus voci huic accidit. Digna sunt
 Cl. PERIZONII ad locum AELIANI, quæ huc
 adponantur: τελειος, inquit, notat maxime animal statu-
 ræ adultæ, seu quæ & qualis in confirmata est ætate VII 13.
 ἀλλ' οἷγε νεοί, ὡς περ ἐν πολλοὶ πρὸς τὸν τελειὸν ἀποβλεπόμεν
 εἰμε h. e. ut pulli adultum equum XIII. 1. De Atalanta.
 μεγεθος μὲν γὰρ ἐτι παῖς ἔσται ὑπὲρ τὰς τελείας ἢ γυναῖκας.
Hist. Anim. II. 42. μαχεταὶ δὲ ὁ τελειος ἱεραὺ καὶ πρὸς ἀλώπε-
 κην, justæ magnitudinis & integræ ætatis accipiter. Hinc
 ergo putem, etiam Jouem τελειον, & Junonem τελειον ap-
 pellatas, quo nomine ἐτιμῶντο ἐν τοῖς γάμοις, ὡς πρῶτα-
 νεῖς ὄντες τῶν γάμων, ut ait SVIDAS in voce τελειος, quia
nuptiæ sunt τῶν τελείων, si ordinem sequamur naturæ; Sed
 & nuptias hinc τέλος appellari, quia sunt quasi consum-
 matio adolescentis ætatis, unde τελειοι sunt οἱ γεγαμηκότες
 EUSTHATIO ad II. B. p. 246. & A. p. 832. quibus qui erant
 Dii, recte id circo τελειοι & ipsi dicuntur. Est igitur,
 quem prodidit nobis Cl. PERIZONIUS, hic usus vocis
 τελειος apud profanos, ut id, quod ad justam perfectio-
 nem pervenit, consequenter, in quo impetratus maxime
 Dei finis intentus est, designet, ideoque animalia justæ
 ætatis,

etatis, quæ in eo sunt, ut gloriam Dei augere possint commodè, hac voce denotentur. Migravit e. profanis in sacra hic usus vocabuli τελειος, ubi eandem, quam in profanis, ætatem, adultam scilicet & confirmatam denotat, quæ fini cuidam media poterit apte subordinare.

§. IV.

In Ecclesiæ priscæ monumentis, & scriptis Patrum insignem huius vocabuli usum legimus: designarunt eo, quod in suis sacris agentes viderunt Paganos * duo Novi Testamenti mysteria, *Sacri lavacri & Cena Dominica* sacramentum. *Επι το τελειον ελθειν* ipsis erat ad S. Synaxin accedere: & τελειωσαι τω της παλινγενειας λυτρω ipsis significabat *sacro ungi lavacro*, ut adeo ATHANASIUS Orat. III. contra Arianos t. I. p. 413. dicat, *Εις ονομα πατρος και υου διδοται η τελειωσις*. Mortem etiam martyrum ita designabant. Denique consecrationi sacerdotum vocabulum τελειωσιν nonnunquam inservisse, ut & antecedentia, quæ adduximus, affert JO. CASP. SVICERVS in *Thesouro Ecclæs. T. II. p. 1256. & seqq.* Nec sine ratione ita loqui amasse reverendos Patres, facile intelligitur. Per *canam* sane *Dominicam* finis, quem reconciliationis & unionis cum Deo propositum habent ea utentes, maxime obtinetur. *Sacri Lavacri* usus regenerationis finem largitur: & initiatio sacerdotum eundem tradit singularis cultus divini scopum. Cujus quidem initiationis liturgico, quem ajunt, significatui ut plurimum inherere Alexandrinos Interpretes, si, quæ ex S. Codice per voces nostras transferant, investigamus, atque, ubi de consecratione & initiatione Sacerdotali loquitur textus, τελειωσεως adhibere vocabulum, inveniemus. ** Quem quidem Lxx Interpre-

C

pre-

* vid. PERIZONIUM ad Ael. Var. Hist. Lib. II. Cap. XXXI.

** Ubi e. g. fontes habent Exod. XXIX. 9. ומלת יד-ארוך ומלת יד-ארוך Alexandrini loquuntur: και τελειωσεις Ααρων

pretum hujus vocis usum si ex usu Patrum primorum seculorum trahere originem suspicemur, quem imitati fuerint hi Interpretes, adeoque aetatem eorum justo antiquiorem a Viris Doctis constitutam destruamus, nihil conamur, quod omni destitueretur veritatis fundamento. Id quidem extra omnem dubitationis aleam positum putaverim, Sanctum Paulum, ceterosque N. T. Scriptores in usu nostrarum vocum Lxx viralem versionem minime fuisse imitatos, * sed ad naturalem earum significatum attendisse.

§. V.

Neque vero adversantur iis, quæ de voce τελειος præfati sumus, virorum divino actorum in Novo T. spiritu scripta, sed, quantum perspicio, non exiguum robur iis addunt. Juvabit autem singula loca, quibus hujus vocis usus est, solerti & succinctæ meditationi subicere, antequam Paulinam mentem penitus inspicere licebit.

Matth. V. 48.

Εσθε ουν υμεις τελειοι, ωσπερ ο πατηρ υμων ο εν τοις ο-
ρανοις, τελειος εστι. **

Viden-

τας χειρας αυτε, και τας χειρας των υιων αυτε: ad quem locum notari meretur R. Abendana in spicilegio ad סכלל יופי expositio Ebraë locutionis, הטהם שחשלים ידם ויכלתם לעבור עבודת ה' : qui adeo Græcam locutionem native exprimit. ita Levit. VIII. 33. ימי מלאכם vertuntur a Lxx. ημεραι τελειωσεως &c.

* In quam sententiam vid. quæ habet Gel. WOLFIVS (quantum in Orbe eruditorum Lumen!) in Curis Philol. & Crit. in Epist. ad Ebr. passim e. g. Cap. II. 11.

** Conf. Deut. XVIII. 13. תמים תהיה אם יהוה אלהיך ubi Lxx. τελειος εση εναντιον κυρις τς Θεος σς. atque Levit. XI. 44. Sancti estote, nam ego sanctus sum Deus vester.

Videntur excitasse hanc sanctissimi Salvatoris adhortationem, quæ v. 46. & 47. de τελωναις, seu portitoribus dixerat. Hi quidem a perfectione nomen fortiebantur, minime vere perfecti, sed fraudibus & dolo, quod exigenter ab hominibus portitoria omni æquitate majora, erant perversissimi. * Habebant quidem, quas enumerat Salvator perfectiones communes seu, quas supra diximus, secundarias, ut tanquam homines in societate cum aliis viventes erga amicos atque fautores non ingratos se exhiberent, ut etiam salutantibus se salutem redderent, sed erant hæ perfectiones tantum communes & officia facilia, quibus finem eum obtinebant, quem ut homines habebant propositum; verum ad omnem perfectionem officiaque non tantum communia atque facilia, sed & difficilia perfectisque propria exhortatur Christus suos auditores. Hi finem æternæ per Christum salutis sibi propositum habebant, adeoque tanquam participes divinæ in Novo Fœdere gratiæ hujus gratiæ scopum obtinere debebant. Proponit ergo Christus illis exemplo imitando summas summi Cælestis Patris perfectiones, eo ipso jubens, ut, quemadmodum ille non eos solum cumularet beneficiis, qui cultum verum illi exhiberent, sed ineffabilis etiam misericordiæ testimonia illis non denegaret, qui peccatis sanctam ejus Majestatem proscindere fusciperent, ita quoque ipsi summas Summi Numinis imitati perfectiones & amicis & inimicis amicos se præberent, adeoque ad perfectionum primariorum fastigium omni nisu, omni labore adspirarent, ut vere τελειοι dici possent.

Matth. XIX. 21.

Εφη αυτω (τω νεανισκω) ο Ιησους. Ει θελεις τελειος ειναι, υπαγε, πωλησον σου τα υπαρχοντα, καιδος πτωχους, και εξεις θησαυρον εν θρανω, και δευρω, ακολουθε μοι.

C 2

Venit

Venit ad Salvatorem nostrum homo quidam juvenis, qui eum sibi finem dicebat propositum, ut *εχῃ ζωὴν αἰώνιον*, v. 16. putabat autem, omnia se adhibuisse, quæ huic fini impetrando possent inservire; ideoque *τελειον* se non obscure hac interrogatione significabat v. 20. *τι ἐστὶ υὑερω*; Cui vero Christus ostendit, unum ex præcipuis ab ipso esse neglectum, abnegationem nimirum sui ipsius; ideoque fidele impertitur ipsi consilium, si velit *τελειος* esse, i. e. si nihil negligere velit; quod ab iis postulatur, qui ad consequendam tendunt vitam æternam, ut in abnegatione sui se exercent, splendida bona pauperibus eroget, & sequatur servatorem.

Rom. XII. 2.

Ἀλλὰ (πειρακαλῶ υὑας) μεταμώρφουσαι τῇ ἀνακαταστάσει τοῦ νοῦς υὑων, εὑς το δοκιμαζεν υὑας, τι το θελημα το Θεοῦ το ἀγαθον, καὶ ευαρεστον, καὶ τελειον.

Enumerat Apostolus in hoc capite Justificatorum officia, quæ erga Deum ipsis sint observanda: atque, uti v. 1. enumeravit, quænam officia cum respectu ad legem ceremonialem ab ipsis peragi debeant, jam commemorat, quæ cum respectu ad legem moralem exequi debeant tanquam justificati officia; nimirum ante omnia curæ ipsis, & cordi esse debere, ut seculi hujus * vanis mori-

* Erudita conjectura est Clar. SCHOETTGENII in *Horis Hebr. & Talm. ad b. l. p. m. 559.* quam cum LIGHTFOOT eandem tuetur, quam pridem defendit etiam COCCIJVS, per voces *αἰωνος τῆς* uti alibi, ita hoc etiam loco notare Apostolum V. T., ejusque oeconomiam; vocem *δοκιμαζεν* velle, ut utriusque oeconomix scripta bene conferrent, indeque elicerent, cultum Vet. Oeconomix defuisse, & novum requiri; voluntatem Dei dici *ἀγαθὴν* respectu volun-

moribus fierent, quam dissimiles, seu, ut quasi vestimentum vanitatum mundi exuerent * : deinde, ut per renovatam mentem aliam prorsus formam, quam qualis prisca irrogenitorum fuerit, induerent, ut *μορφωθῇ ἐν αὐτοῖς χριστός*, uti alio loco idem exprimit Paulus **. Ita vero transformati, & prorsus mutati ut publice testatum darent, *** se exequi voluntatem divinam sanctificationis suæ ****. Cui quidem voluntati tria tribuit prædicata Gentium Doctor, quæ ipsi maxime conveniunt; Sive
C 3 autem

tatis in V. T. cuius *עֲבֹדָתָם* erant *לֹא טוֹבִים*: *εὐαρεστον*, quia cultus in N. T. per se placeat, externus in V. T. non sit sufficiens: *τελειον*, quia in V. T. omnia fuerint imperfecta. Utrum vero, quod supponit, non probat Vir Eruditus, ab hac sententia nos advocat, quod speciatim ad Judæos Apostoli sermo dirigatur; fuerunt quidem inter eos, ad quos hæc epistola missa fuit, Judæi, uti videre est ex salutationibus Cap. XVI. sed maximam partem Gentiles spectabat Cap. I. 5. 6. 13. 14. XV. 16. 18. Act. XXVIII. 21. vel tribus igitur verbis Apostolus Judæorum diserte fecisset mentionem. Nec pugnat pro hac sententia, quod v. 1. respectus fiat ad oeconomiam & sacrificia Veteris T. nam ad Gentiles sapius de istius rebus est sermo. Conf. Summe Reverend. WOLFFVS in Curis Philolog. & Criticis ad 1. Cor. II. 6. p. 325. qui ex eadem, qua nos, ratione in eo loco hanc conjecturam destruit.

* Hanc non pauci hujus vocis emphasin putant coll. Phil. II. 7. quæ phraseologia etiam Paulinæ maxime est congrua.

** Gal. IV. 19. conf. Eph. IV. 24. Col. III. 10. 11. 12.

*** Hanc esse vocis *δοκιμαζεν* emphasin, Cap. XIV. 22. docet, nimirum, non solum ad lapidem lydium revocare & probare, sed demonstrare etiam & publice testari, quod aliquid probatum inventum sit. vid. Eph. V. 10.

**** 1. Thess. IV. 3.

autem spectaverit pro more suo, quo loqui videtur nonnunquam verbis Philosophorum, * Stoicorum placita illis temporibus satis nota, quibus frequens erat dissertatio de *αγαθω*, de *ευαρεσω*, de *τελειω*, & ad captum eruditorum inter Romanos se adcommodaverit, sive minus, illam vocum harum emphasin notamus, quod non in oppositione ad aliam Dei voluntatem damni, vel signi, quam, & quales venditant reformatæ ecclesiæ doctores, voluntati divinæ hæc addat prædicata; *αγαθον* vero eam dicat, quod verorum nos bonorum, veræque & æternæ felicitatis cupiat participes: *Ευαρεσον*, quod voluptatem hanc exequentes ita demum Deo placeant: *τελειον* vero, quod voluntas ista fini salutis nostræ sanctissimo mediâ saluberrima in Novo T. suppeditaverit, ideoque a nobis exigat, ut mediâ ista gratiæ quam studiosè adhibeamus, nihilque, quod ad finem istum promovendum, sive illud in vera in Christum fidē, sive in constantia, sive in pietate consistat, conferre quicquam possit, negligamus.

1. Cor. II. 5. 6.

Σοφίαν δε λαβόμεν εν τοις τελειοις.

Schismata atque dissensiones ecclesiæ Corinthiacæ capite antecedenti questus erat Apostolus, duplicemque eorum fontem, ac causam indicaverat; alteram, quod non distinguerent inter Christum & Apostolos, seu, quod non intelligant, omnes Apostolos non nisi unum & unicum Christum docere: alteram, quod tritis & inani sapientia philosophorum ethnicorum occæcati, & plane capti, falsa sibi persuaderent opinione, se prædicare Christum, & de Christo evangelium tanquam novæ alicujus scientiæ, & systematis Philosophici genus, quod speciosa humanæ eloquentiæ seriē, & tortis verborum in volucris possit, debe-

* A. XVIII. 1. Cor. XV.

debeatque defendi, ac colorari. Longe vero alia, eaque simpliciora, & castiora de hoc evangelio Novi testamenti sentire iusserat Apostolus. Idem, quod ita auspicatus est, continuat Cap. II. studium avocandi a fastu Philosophorum sapientiæ, & adhortandi ad mentis submissionem, modestamque mysteriorum divinorum venerationem animos Corinthiorum, atque, postquam in primis huj. Cap. versibus suæ submissionis exemplum Corinthiis ad imitandum proposuerat, v. 5. & 6. inculcat magnum istum humanæ sapientiæ a mystèriis divinis dissensum. Dissensum istum exacte exprimit, cum evangelium esse dicit σοφίαν εν τελειοις, eo ipso indicans, humanam sapientiam in τελειοις non versari. Quis non videt, nihil aliud sibi velle Apostolum quam demonstratum dare, sapientiam Ethnicorum Philosophorum, eo quod fini æternæ salutis media subordinare apta, atque sufficientia non posset, multos habere defectus, nec ullo jure vere τελειον dici posse: esse vero sapientiam divinam, seu evangelicam de Christo doctrinam ita comparatam, ut ad finem æternæ per Christum salutis obtinendum largiatur media saluberrima, summæ Dei misericordiæ luculenta testimonia.

I. Cor. XIII. 10.

Οταν δε ελθη το τελειον, τοτε το εκ μερους καταργηθηται.

In responsione ad epistolam Corinthiorum de rebus adiaphoris & necessariis inter posteriora retulerat Apostolus Cap. XI. cætus spirituales. Cap. XII. dona spiritualia, ostendit jam Cap. XIII. usum donorum spiritualium præcipue esse in charitate constitutum: hujus charitatis necessitatem, effectum deinde, & denique præ reliquis omnibus utilitatem, quod nunquam deficiat, describit omnem scientiam hujus vitæ de rebus divinis imperfectam esse docet, seculi futuri

turi perfectissimam cognitionem illi opponens; quam quidem cognitionem vocabulo *τελειος* designat, & hoc per oppositum *τὸ ἐκ μερὸς* optime exponit. In quo enim non omnia sed aliqua tantum, ad unum conspirant finem, illud tantum ex parte est perfectum & talis nostra in hac vita rerum divinarum est cognitio: Erit vero ea in futura vita, ut omnia & singula ad cognitionem Dei exacte sint data consensum.

Eph. IV. 13.

Μεχρι κατακτησωμεν οἱ πάντες εἰς τὴν ἐνότητά της πίστεως καὶ της ἐπιγνώσεως τοῦ υἱοῦ τοῦ Θεοῦ, εἰς ἀνδρά τελειον, εἰς μετρον ηλικίας τοῦ πληρώματος τοῦ Χριστοῦ.

Omnis in eo est Apostolus, ut ad unitatem spiritus, & amicū consensum Corinthios exhortetur. Argumenta solida huic adhortationi Caput IVtū suppeditat. Alterum est: unum esse spiritum, spem, unam unumque dominum. Alterum: diversa dona dependere a voluntate donantis, nec dissidiarum esse legitimam causam. Hinc donantem Christum ita depingendum sumit, ut summum ejus arbitrium in dispensatione donorum pateat, summa vero cura de sanctis elucescat fidelibus, quæ ecclesiis doctores præfecerit, quorum munus esset, ut singula ecclesiæ membra instituerent, hac institutione alterum alteri jungerent, ut juncta *συναρμονισμον* & unam quandam structuram corporis Christi efficerent, viderenturque homo *τελειος*, adultæ ætatis, in quo ad corroboratam in Christum fidem singula consentirent, qui sanctificationis finem nactus esset, sinique æternæ salutis media salutaria suppeditet, ita vero ætati salvatoris Christi, qui ad finem salutis nostræ media saluberrima fuerit nobis largitus, & omnia ad satisfactionem & salutis nostræ promotionem media ipse adhibuerit, similis sit.

Phil.

Phil. III. 15.

Οσοι εν τελειοι, ταςτο φρονωμεν.

Cum Cap. I. ad constantiam, & Cap. II. ad submissionem animi exhortatus esset Philippenses Apostolus, Cap. III. Christianæ vitæ regulas illis inculcat, quibus maxime congruum sit, ut vivam cognitionem Christi sibi acquirant, & propter eum unicum lucrandum in contentione omnia suscipiant mala, omnia spernant mundi bona, & voluptates: ita vero ad novam obedientiam, & indefessum cursum versus cælum omni studio incumbant, ut, quæ a tergo sint, negligant. Qui autem *τελειοι* sint, id est, qui fini salutis omnia suppeditare media * etiam cum incommodis & miseriis connexa non dubitent, *ταςτο*, hoc ipsum, quod scilicet de cognitione Christi, de abnegatione illa omnium propter Christum, de studio & adspi-

D

* Medium in sano sensu hic, & quoties ea voce utor, accipere velim, eo nimirum, quo *omne id involvit, quod est propter finem*, quem etiam *Gel. REVSCHIVS*, Præceptor æternum Colendus ex B. Henrico Höpfnero dexterrime illustrat *Met. §. 271.* & quem *Magnificus noster LEHMANNVS* Patronus ad cineres mihi devenerandus in præceptis *Philos. Mor. p. 541.* his verbis indicat: Wenn wir alle Mittel, welche uns die Philosophie an die Hand giebt, überhaupt betrachten, so werden wir erkennen, daß sich dieselben erstlich in media generalia, und specialia eintheilen lassen. Die General-Mittel lassen sich zum andern wieder eintheilen a) in solche, welche zum Voraus gesetzt werden: ferner b) in solche, welche bey der Besserung selbst hauptsächlich zu brauchen. c) In diese, welche als subsidia hin und wieder so wol in der Besserung selbst, als auch in der confirmation eines tugendhaftesten Wandels gebraucht werden.

aspiratione ad majorem, & ulteriorem perfectionem desiderat, sentirent, hoc est, id sibi peragendum esse, omnino existimarent.

Col. I. 28.

Ὁν υμεῖς κατ'ἀγγέλλομεν - - να παρδείσῃωμεν πάντα ἄνθρωπον τέλειον ἐν χριστῷ Ἰησοῦ.

Postquam pro recepta consuetudine sua gratiarum actiones Deo solverat Gentium Doctor propter conversionem Colossensium, insimul autem, ut in dies crescerent, fuerat precatus, ad doctrinam de redemptione per Christum *θεοῦ ἄνθρωπον* facta instituit transitum, vivis Redemptorem coloribus depingens, a cujus deinceps dignitate muneris sui Apostolici dignitatem atque præstantiam deducit, qua in eo totus sit, ut Christum cum omnibus bonis spiritualibus annunciet hominibus, ita vero sistat omnem hominem Christianum *τέλειον*, id est, ita aptum reddat ipsum, ut ad consequendam salutem hæc gratiæ per Christum merita possit adhibere.

IV. 12.

Inter salutationes a Sanctis Paulo demandatis nomine etiam Epaphræ Colossensibus salutem dicit Apostolus, ejusque ardentissimas pro incremento eorum spirituali preces memorat, quarum summa hæc sit, ut stent id est, immobiles & constanter sint occupati in adplicatione mediorum salutis, omnes in id intendant nervos, ut voluntati, fini, & desiderio Dei respondentes suam curent salutem.

Jac. I. 4.

Ἡ δὲ ὑπομονὴ ἐργὸν τέλειον ἔχει τῷ, να ἦτε τέλειοι, καὶ ἀποκλήροι, ἐν μηδενὶ λειπομένοι.

Primum est, quod agit Jacobus, ut Ex Judæos ad constantiam & patientem adversorum animum exhortetur.

tur. Ex natura fidei ipsorum promit argumentum. Fidem, dicit, veram consequi patientiam, seu patientiam esse consecrarium fidei: hanc vero patientiam & omnium malorum propter Christum tolerationem habere debere *εργον τελειον* scilicet pro objecto. Nihil, ego quidem suspicor, per hoc *εργον* intendit Apostolus, quam quod a Paulo dicitur, *εργον κυρις* * seu omne pietatis studium. Est vero mens Apostoli: ita patientiæ Judæos operam dare debere, quemadmodum status suæ regenerationis, & cum Deo unionis id exigebat, ut, adeo cum vera fide veram patientiam (quæ omnium propter Christum abnegationem includit) conjungentes ita demum nihil negligant, quod ad finem salutis æternæ conferre quicquam possit.

Jac. III. 2.

Πολλα γαρ πταιομεν απαντες, ει τις εν λογω ε πταιει, ετος τελειος ανηρ, δυνατος, χαλιναγωγησαι και ολον το σωμα.

Docendi pruritus & loquacitatis vitium sub initio hujus capituli reprehenditur. Qui linguam coercere & digito compescere labellum possit, nominatur *ανηρ τελειος*, talis, inquam, qui non impingit, non excidit scopo. Dixerat ante Apostolus, in multis omnes labimur, non ita semper agimus, ut, quod quærimus, obtineamus, obtinet autem, quod quærit, & finem assequitur intentum, *τελειος εστι ανηρ*, qui coercet linguam, aptus, qui totum corpus tanquam freno moderetur, ita dirigat, ut fini intento nunquam excidat.

Jac. I. 17.

Πασα δοσις αγαθη, και παν δαρημα τελειον ανωθεν εστι.

In eo jam est Jacobus, ut doceat, non proficisci a Deo tentationes ad malum: id demonstrat ex summa Dei

D 2

boni-

* 1. Cor. XV. 58.

bonitate, quæ nihil cupere possit, quam nostram salutem. Demonstrat autem illud adductis verbis, omnem dicens donationem potius bonam *, omne donum τελειον id est, fini salutis omnium hominum subsidia suppeditans, proficisci a Patre luminum. Si igitur, ita argumentatur, omne, quod agit Deus, tendit ac concernit salutem humanam, non potest tentare eos ad malum.

Jac. I. 25.

Ο δε παρακινῶν εἰς νόμον τελειον τὸν τῆς ἐλευθερίας
 κ. τ. λ.

Non esse legi morali hic locum, sed loqui Jacobum nostrum de doctrina evangelica de Christo, erudite observavit pridem summe Reverend. WOLFFIUS in *Curis Phil. & Crit. ad b. l.* Est vero hæc doctrina νομος τελειος, quia largitur nobis ad finem salutis gratiæ saluberrima subsidia.

1. Joh. IV. 18.

Φόβος οὐκ ἐστὶν ἐν τῇ ἀγάπῃ, ἀλλὰ τελεία ἀγάπη ἐξωβαλ-
 λει τὸν φόβον.

Dicitur, eo quod ejiciat, & longe arceat omnem timorem servilem, ἀγάπη τελεία: sive nostrum in Deum amorem sive nostram de Dei in nos amore convictionem hic intelligas, utraque ita est comparata, ut finem salutis nostræ per apta subsidia promoveat. Et ex hoc capite, ex quo cetera omnia, quæ adduximus, perfecta fuerunt, etiam iste amor perfectus dicitur.

Fuimus præter opinionem in recensione sacrorum pro nostra notione testimoniorum longiores; verum aliquem forsam sensum ex dictis sibi vindicarunt ea, qui a plurimis non fuit perspectus: jam scopo, quam fuimus, propius admoti omni data opera id agemus; ut manifestum fiat, Paulum in literis ad Hellenistas Judæos non vindi-

* Vid. quæ supra de θεληματι αγαθω diximus.

vindicasse sibi peculiarem harum vocum usum, nec etiam significatum quendam, quem & supra negavimus, liturgicum, a LXX. Interpretibus mutuum accepisse; eam vero vocis *τελειος*, consequenter derivatorum ejus notionem sibi servasse, quam apud ceteros actos a Spiritu S. viros receptam & usu habitam jam fuimus experti.

§. VI.

Primo autem quod vox *τελειος* eandem servet notionem, quæ tradita a nobis fuit, quod etiam reliqua vocabula, quæ voci *τελειος* originem debent, ab ea non deflestant, ex ipsorum inspectione locorum & nexu orationis. Paulinæ §. VII. examinando ibimus demonstratum. *Τελειον* diximus, & ex usu scriptorum *θεοπνευστων* probavimus, qui eo ordine & studio adhibet subsidia, & gratiæ, & pietatis atque constantiæ, ut finis intentus salutis exinde resultet, seu ut fini ultimo conveniant, eumque pariant (§. II.) *τελειος* igitur Paulus *τοῖς ὑψηλοῖς* opponens, atque *κατεχθασὶ γαλακτός, ἀπειροῖς λόγῳ δικαιοσύνης.*

Cap. V. 14.

Τελειων, ἰνι quit, ἡ σερεα τροφη, των δια την εξιν τα κιοθητηρια γεγυμνασμενα εχοντων προς διακριτην καλη και κακη.

Optima provectionum descriptio! *σερεαν τροφην* dicit totum epistolæ ad Judæos argumentum, omnem ad constantiam adhortationem, omnem de Christo per afflictissimum statum sacerdotes, Prophetas & Reges exsuperante sermonem. Hæc illis nimis dura erant, qui omnia nondum adhibere poterant. quæ ad veræ salutis finem erant necessaria, subsidia, qui fundatam in Christum passionibus perfectum fidem nondum erant assecuti, qui ideo non omnia habebant, quæ vera in Christum fides parit, puta cognitionem vivam speciatim mortis Christi, constantiam

in adversis, in pietate, & patientia præsentem animum. Contra vero, qui ex viva in Christum fide perspicacius cognoscebant, quid sibi ad finem salutis factu opus sit, nec aliquid negligebant, quod ad hoc conferre quicquam poterat, *τελειοι* erant. Illis non solum non dura, verum & dulcissima erant, quæ de passione & morte Christi, de ejus imitatione aliisque virtutibus Christianis exercendis dicebantur.

Cum *τελειος* denotet eum, qui eo ordine & studio adhibet subsidia, ut finis ultimus inde resuletur, vocem *τελειω* significare diximus, *finem intentum acquirō* (§. II.) nec aliena est ab hac notione mens Paulina.

Cap. II. 10.

Ἐπρεπε γὰρ αὐτῷ, διὸν τὰ παντῶν, καὶ διὰ τὰ πάν-
τα πολλὰς υἱὲς εἰς δόξαν ἀγαγοντα τὸν ἀρχηγὸν τῆς σω-
τηρίας αὐτῶν διὰ παθημάτων τελειῶσαι.

Videtur primo intuitu hic versus contrarius esse notationi vocis *τελειω*, eo quod plurimi, imo, quantum memini, omnes personam Patris hic inveniant, eique adscribant verba: *ἐπρεπε γὰρ αὐτῷ*, vertantque cum Beza: *Decebat enim, ut ipse, propter quem, & per quem hæc omnia, ducem salutis eorum passionibus consummaret.* Sed ego tale quid hic non video.

Non quidem dixerim, *αὐτῷ* positum pro *αὐτῶν*, & vocem *γὰρ*, & *αὐτὸν* fuisse colo disjuncta; verum salva etiam lectione, quam hodie Codd. agnoscunt, ille mihi sensus exsurgere videtur, qui personam Patris neutiquam habet. Id facile videas, vocem *διὸν*, & *διὰ* & referri ad præcedens *αὐτῷ*; quis vero sit ille, *διὸν καὶ διὰ τὰ πάντα* docet Johannes Cap. I. 3. nemo alius, quam Christus: Hoc probe observato fuit sensus: Decebat enim ipsi, per quem

quem & propter quem omnia sunt, multos filios ad gloriam ducentem, ducem salutis eorum per passionem finem intentum sc. satisfactionis acquirere, Ita Græce : Latine infinitivo in tempus finitum resoluto. Dicens erat, ut ipse, per quem & propter quem omnia sunt, multos filios ad gloriam ducens, dux salutis nostræ per passionem obtineat finem intentum reconciliandi generis humani cum Patre coelesti.

Cap. X 14.

Μιαί γὰρ προσφοραί τετέλειωκεν εἰς τὸ διηνεκές τῆς ὁγιαζομένων. Sensus est : Una oblatione acquisivit finem intentum satisfactionis in perpetuum sanctificatis.

Quod itaque Christus re vera præstitit, id de lege negatur.

Cap. VII. 19.

Οὐδὲν ἐτέλειωσεν ὁ νόμος.

Lex nulli rei finem salutis acquirit.

Cap. X 1.

Ὁ νόμος εἰδεύει δυνάται τῆς προσερχομένων τελειώσῃ.

Lex minime potest ingredientibus in tabernaculum foederis finem æternæ salutis acquirere.

Cap. IX 9.

Θυσίαι - μὴ δυνάμειν κατὰ συνείδησιν τελειώσῃ τὸν λαὸν τρεφόντων

Sacrificia, quæ non poterant secundum conscientiam acquirere sacrificanti finem satisfactionis Christi atque salutis i. e. ita acquirere, ut de acquisita salute fuerit in mente convictus

Si τελειώω denotat, finem intentum acquiro (vel mihi, vel aliis) quid significet τελίσμα in passivo, exinde patet : nimirum, ad finem intentum perducor.

Ebr.

Ebr. V. 9.

καὶ τελειωθείς, ἐγένετο τοῖς ὑπακουσίν αὐτῷ πασὶν αἰ-
τίοις σωτηρίας αἰωνίης.

Poſtquam autem Chriſtus ad finem intentum ſatis-
factionis adductus eſt, & ad eum pervenit, factus eſt
autor & cauſa obedientibus ſeu credentibus ſalutis æter-
næ, id eſt, credentes per eum, qui ad finem intentum
ſatisfactionis eſt perductus, ad noſtrum ſalutis æternæ
finem perducimur.

VII. 28.

Ὁ λόγος δὲ ορκωμοσίας τῆς μετὰ τὸν νόμον υἱὸν εἰς τὸν
αἰῶνα τετελειωμένον (κατίſτησι).

Vox Dei iuramento confirmata, & poſt legales con-
ſtitutiones (ſcilicet per Davidem Pf. CX. 4 prolata)
ſtitit nobis Pontificem in æternum ad finem ſuum ad-
ductum, adductum inquam ad finem æternum, æternum
habentem valorem.

Dicit itaque Chriſtus Luc. XIII. 32. τῇ τρίτῃ τελειώ-
μαι ſe tertio die reſurrectionis ad finem ſc. glorioſæ ex-
altationis adductum iri, imo & ante expirationem in
cruce clamabat τετελεσται Joh. XIX. 30. Jam demum ad
finem ſatisfactionis perventum eſt.

Cum itaque Chriſtus finem ſatisfactionis in gratiam
fidelium fuerit aſſecutus, ad eum paſſionibus ſuis & mor-
te ſit perductus, fideles per hanc ſatisfactionem ad re-
conciliationem cum Deo ad fruitionem omnium per
Chriſtum bonorum, denique ad ſalutis finem, uſumque
omnium ſubſidiorum, quæ hunc finem promovent, di-
cuntur perducti.

Primo de fidelibus V. T. tale quid occurrit.

Cap. XI 40.

Ἰνα μὴ χωρὶς ἡμῶν τελειώθωσι.

Loquitur, uti monui, de fidelibus Veteris Oecono-
miæ ſpeciatim iſtis, qui multis fuerint merſi miſeriis. Hos
fideles

fidelibus Ebræis exemplo proponit imitando, ut spe meliorum bonorum erigantur. Illos nimirum, quamvis felicitatem præsentis vitæ non obtinuerint, spe tamen futura longe præstantioris felicitatis aut confirmatos; (Nihil vero aliud per *επαγγελίαν* intelligere potest, quam terrenam felicitatem, nam per fidem in Messiam beati jam erant.) denique non sine nobis, sed una nobiscum ad beatitudinis & æternæ felicitatis fruitionem perducendos esse.

Cap. XII. 23.

Πνευματα δικαίων τετελειωμένων, animæ justorum, qui ad finem salutis & æternæ beatitudinis per fidem in Christum jam pervenerunt.

Τελειωτην diximus, *qui finem rei imponit* (§. II.) Talis dicitur Christus.

Cap. XII. 2.

Αφορῶντες εἰς τὸν τῆς πίστεως ἀρχηγὸν καὶ τελειωτὴν Iesum.

Jubentur hic Ebræi fortibus oculis intueri Christum, qui fidei illorum dux sit, eique finem æternæ salutis fuerit largitus & imposuerit, primo, dum implevit fidei nostræ objectum, ea, inquam, omnia, quæ credimus fide, & apprehendimus: deinde vero, dum ipsam fidem, qua illa bona apprehendimus, nobis largitur.

Τελειῶσιν & τελειότητά diximus *finis intenti impetrationem* (§. II.) Negatur prior vox de lege.

Cap. VII. 12.

Εἰ μὲν ὅν τελειῶσις διὰ τῆς Λευιτικῆς ιερῶσυνῆς ἦν, τίς ἐτι χρεία.

Ostendit Apostolus, non opus fuisse satisfactione
E Chri-

Christi, si impetratio finis salutis per legem fieri potuisset.

Adhortatur vero Ebræos.

Cap. VI. 1.

Ut ἀφευγέτε τον της αρχης τε χειρα λογον επι την τελευτην της Φερανται: non semper inhæreant primis doctrinæ Christianæ rudimentis, verum ad ea adspirent, quæ finem salutis suæ per cognitionem crucis & mortis Christi, per vivam fidem, & in pietate constantiam possint promovere.

Ita recensitis, quæ in Epistola ad Ebræos vocibus nostris exprimuntur, jam suis describamus quasi terminis usum Apostolicum & definiamus.

§. VII.

Tria fuerunt subjecta, de quibus & affirmavit & negavit vocabulorum nostrorum significatum Gentium Doctor: *Primum* fuit Lex, de qua emphasin harum vocum negavit; non judicabimus de mente Apostoli, antequam cognitum habeamus, qualem indigitet legem, quæ finem salutis largiri hominibus nequeat: examines vero textum, & videbis, nullam aliam ab eo intelligi; quam ceremonialem & cultum Leviticum universam, quatenus externis absolvebatur actibus. Tantum vero abest, ut a lege morali essentialem, quam dicunt Theologi, perfectionem removeat, ut potius in ceteris epistolis suis hanc multifariam stabiliat. Cap. IX. diserte, quod Cap. VII. 19. de lege dixerat, de sacrificiis affirmat, quod nimirum sacrificia nuda non potuerint offerentibus salutem & reconciliationem cum Deo largiri. Sana profecto & orthodoxa. Si enim de meris ceremoniis id negat Apostolus, quod satisfactioni Christi & fidei in eum competit, quis non videt,

videt, illud ex ejus verbis deduci, *sacrificia nuda, & ritus reliquos sine fide in futurum Messiam haud quaquam salutaria fuisse offerentibus, & observantibus; non autem illud: sacrificia nulla absolute expiassent peccata, ita ut populus manserit semper sub reatu.*

Alterum subjectum, cui vocum nostrarum prædicata addit Apostolus, est sanctissimus Salvator: hunc *τελειωμενον, τετελειωμενον* atque *τελειωτην* nuncupat; Vbique illud dicit: solum Salvatorem finem nobis æternæ salutis largiri, per eum Veteris Testamenti fideles salutem esse assequutos, per eum in Nova Oeconomia fideles solum & unicum salvandos esse.

Ultimum subjectum, cui vocabula nostra tribuuntur, comprehendit fideles omnes: Duplex hoc subjectum jam paucis considerabimus; de lege postmodum, quatenus ex vocabuli nostri notione afferri poterit, ne in Theologorum Reverend. excurramus campum, aliqua monituri.

§. VIII.

Primo Christum duplici respectu voces nostræ effertur: altero habito ad exinanitionem ejus, ad passionem & meritum pro omnibus præstandum hominibus: ad exaltationem & gloriæ statum altero.

Quod ad primum attinet, eo referuntur loca

II. 10. X. 14. VII. 28. XII. 2.

In priori loco affirmatur necessitas passionis & mortis Christi, ut occurreretur vulgari Judæorum opinioni, atque persuasioni de Messia terrenis felicitatibus, & seculari potentia eximio. Contrarium plane, ejusque necessitas adstruitur, necessitas inquam ad obtinendum finem satisfactionis, filiationis atque sanctificationis, cum non alia

via salutis æternæ compotes fieri mortales possent, quam per mortem Θεωθωπτε.

In altero loco demonstratur præstantia sacrificii atque oblationis Christi præ omnibus veteris Testamenti sacrificiis, cum unica tantum oblatione id egerit Salvator, quod agere non poterant omnia sacrificia pecudum infinitam nimirum peccatorum totius hominum generis expiationem.

Tertio loco demonstratur, meritum Christi esse infiniti valoris.

Quarto denique probatur, solum Christum esse salutis nostræ fundamentum.

Habito respectu ad statum exaltationis Christus Cap. V. 9. Τελειωθεις dicitur, & salutis fidelium causa.

§ IX.

Si alterum subiectum nimirum fideles meditati subijcimus animo, duplici itidem respectu nostris vocibus insignitos videmus: altero habito ad justificationis in hac vita statum: habito altero ad plenam beatitudinis æternæ fruitionem. Ad primum loca spectant

V. 14. IX. 9. X. 14.

In primo loco speciatim sermo fit de fidelibus in Novo Foedere, qui & finem salutis habent propositum, & media gratiæ ad eum obtinendum adhibere queunt, & re vera adhibent, finique media ultimo, aut fines intermedios subordinant. Hi igitur cum subordinant, & quatenus subordinant, dicuntur perfecti. Quam quidem de perfectione fidelium morali doctrinam quoniam in Philosophorum cathedra proponere fas haut erit, Theologis
cam

eam relinquere debemus * Illud tantum afferentes, quod ex notione nostri vocabuli supra deduximus, nimirum *quod salva omni perfectione morali possit alter præ altero majores habere perfectiones, utrumque tamen esse τελειον, utrumque enim finis salutis media subordinare* (vid. §. II.) In altero loco dicitur, homines veteris Testamenti per sacrificia finem justificationis intermedium ultimumque salutis assequutos haut esse; ex quo quidem fuit, per aliud medium hunc finem eos obtinuisse, nam justificatos esse fideles vet. Testam. clara scripturæ testimonia loquuntur: Act. X. 43. XV. I. II. III. 20. 24. &c. per aliud igitur medium justificati fuerunt & salvati nimirum per fidem in Messiam.

In tertio loco justificatio fidelium propter λυτρον Christi jam solutum demonstratur.

Quod ad secundum attinet, ubi habito ad vitam æternam respectu voces nostræ de fidelibus enunciantur, in censum veniunt loca.

XII. 20. XI. 40.

In priori loco idem cum Salvatore nomen sortiuntur beati fideles, quod τετελειωμενοι dicantur, id est, qui ad finem salutis æternæ iam sunt perducti, quale quidem nomen fidelibus viatoribus non tribuitur, nec tribui potest. Ideoque.

Posteriori etiam loco jubet nexus sermonis Paulini, ut credamus, æternam beatitudinem ipsum indigitare, quando fideles veteris T. non sine nobis, sed una nobiscum ad æternæ vitæ finem perducendos affirmat.

* vid. B. Buddei Theol. Mor. P. I. Cap. III. §. VII. p. 286. Vitring. in Obs. S. L. U. C. XVIII. cujus asserta cum grano salis perlegas.

§. X.

Jam ordine ferimur ad tertium subjectum, quod voces nostras recipit, ad legem, seu leviticum & sacerdotalem cultum; Huc spectant loca-

VII. 11. 19. IX. 9.

Omnia uno ore loquuntur, legi & cultui Levitico non convenire vocum nostrarum emphasin, & quis hoc vocaret in dubium? Legem namque solam ceremonialem indigitat Apostolus, quod uno loco per νόμος exprimit, alio per ΛΕΥΙΤΙΚΗΝ ΙΕΡΩΣΥΝΗΝ, per δόξα καὶ θυσίας exponens; nec aliam hic legem videbit, nisi qui ex Coccejanorum Canone Hermen. sibi persuadet, vocem in Scripturis aliquo obviam loco omnes uno isto loco suscipere significatus, quos suscipere possit. Eruditissimus COCCJEVS, uti alias, ita in nostris etiam locis hunc suum Canonem applicat, quod ipsum nos omni jure notamus fontem ejus expositionis, quam erroris merito suo Theologi orthodoxi postulant. Intelligit Vir Erud. per νόμον, quicquid legis nomine venire unquam potest. Audiamus eum ad Cap. VII. 19. Comment. in Epist. ad Ebr. Tom. V. Opp. p. 530. §. 25. *In pericopa nostra (a v. 11. ad v. 23.) hoc notamus: Lex, de qua dicitur, quod non consummaverit accedentes ad Deum est tota lex, sive omne verbum, quod ante Christum auditum fuit. Quippe cum in eo non contineatur verbum dans fiduciam ad Deum (v. 19.) ut ex titulo condonati penitus peccati conf. Cap. X. 22. 23. Est autem ea Lex non unius generis. Primo ea, qua continet praecepta, qua, qui facit, vivet in eis. Ezech. XX. 11. Secundo verbum: quo Deus testatus est, se sanctificare semen aliquod, & imprimis semen Abrahami & Israelis v. 12. Id verbum primitus in Paradiso auditum fuit. Gen. III. 15. Nam quo verbo judicatur Satanas, eique denuciatur Deum positurum odium inter eum et mulierem, & semen utriusque; item-*

que semen aliquod mulieris ei contriturum caput; eo verbo promittitur abolitio Diaboli, ut mortis imperium habentis, & legis peccati, & sanctificatio alicujus seminis captivi Satane ad diligendum Deum, ut justitiam & sanctificationem & ad odio habendum opera diaboli.

Tertio præceptum illud, quo Deus declaravit Israelitas impuris cum oblationibus suis, dum sibi transire fecit omne primogenitum Exod. XIII. 12. cujus loco accepit tribum Levi & familiam Aharonis in ministerium tabernaculi & altaris: deque aliis omnibus si accederent, dixit, vita luituros. De quo genere præceptum loquitur eodem Capite v. 25. 26. Ea sunt legis ceremonialis. Ita differit COCCBJVS sibi simillimus. Per primum legis, quod dicit, genus intelligit legem moralem, quæ quamvis habebat perfectionem essentialem, utique tamen non largiebatur finem salutis & justificabat homines, eo quod nemo hanc legem, poterat exacte servare: de hac lege Paulus haud quaquam verba nescit; Loquitur vero de tertio genere legis, quod recenset COCCBJVS, seu ceremoniali. Secundum vero legis genus, quod movet, complectitur evangelium V. T. de Messia, credentibus utique finem salutis largiens, quod vero negat & pernegare debet COCCBJVS suæ favens hypothese de discrimine inter justificationem V. & N. T. inter eum quondam ac Voetium controversæ & in Animadversionibus ad LXXXIII. quaestiones de V. T. & Lege Moysi ad Maresum, itemque in utilitate distinctionis duorum vocabulorum scripturas *νομοθεσις* & *αἰσθησις* Tom. VII. Opp. & alibi propositæ. Hanc controversiam nec possumus, nec debemus ita agitare, ut nostram de ea feramus sententiam. Non possumus, namque excrevit citra opinionem nostra exercitatio, limitesque adeo Academici schediasmatis ad disputandum propositi prohibent; neque debemus, quoniam summe Reverendus Theologorum nostrorum ordo a nostra cathedra hæc dogmata altio-

ris indaginis jure suo arcet. Quod autem jam prestare non possumus, peculiaris non solum, si vires vitamque largietur Deus, labor expediet, verum etiam, quando Numine isto clementer opitulante *Parentis τὸ ἐν αἰγίοις Historiam Divinorum cum Homine fœderum, eorumque Oeconomiam* nostris instructam animadversionibus sistere eruditis suscipiemus, dabimus. Nunc, quod vocum nostrarum notio suadet, vel tribus verbis attingimus.

In primo loco Cap. VII. 11. ostendit Apostolus, sacerdotium Leviticum non habuisse *τελειωσιν*, puta, finem æternæ salutis ultimum non suppeditasse. Itaque nihil agit *κοινωνῶν*, quando ex hoc ceterisque locis hypothesein suam adstruere suscipit, loquitur Paulus voce *τελειώσεως* non proxime de justificatione sine quodam intermedio, verum de ultimo salutis æternæ fidelibus omnibus **INTENTO**. Atque uti nemo negabit, sacrificia, si habuerunt junctam in Messiam fiduciam, justificasse offerentem, non tamen asseret, finem Salutis æternæ ea dedisse, quod meritum Christi per fidem applicatum præstat.

Secundi, tertiique loci idem est argumentum, uterque evincit, per observationem ceremoniarum neminem æternum salvatum esse.

§. XI.

Si jam tanquam in transenna perlustres, Candide L., quæ succincte de perfectione ex mente Paulina edisseruimus, arridebit omnino Tibi tanquam certissimum Patrum antiquæ Ecclesiæ effatum: *illum demum esse veram perfectionem, suas nosse imperfectiones*. Est Pharisaica perfectio, quæ ab omni imperfectione se clamat immunitem: ita vero perfecti esse studeamus, ut probe cognitis infirmitatibus nostris non impediamur in adhibendis ad finem salutis nostræ mediis, omnes ad hunc finem

nes cogitationes, omnes meditationes, omnes conspirent,
collineentque actiones, sic in dies incrementa capientes
vere erimus *τελειοι*.

§. XII.

OBS. I.

Cap. I. 2. Non negaverim, Apostolum in hoc com-
mate ad Gnosticorum hæresin mentem appulisse, qui in-
ter alia *ψευδοδογματα* illud defendere suscipiebant, quod
Christo inter æones, quos venditabant, locus sit adscri-
bendus. Hoc itaque nefandum assertum destructurus Pau-
lus luculenter significat, Christum non posse referri in
numerus angelorum, cum angelos ipse creaverit: adeo-
que voce *αιωνες*, non ut alias *מלכים* sæcula, atque mun-
dum; sed spiritus seu angelos notat.

Κληρονομον autem *πάντων* secundum humanam natu-
ram Christum dici jam ad ejus incunabula Luc. II. 11. an-
geli cælitus indicabant *Οτι ετεχθη υμιν σημερον ο σωτης, ος*
εστι Χριστος ΚΥΡΙΟΣ. Ab ipso igitur incarnationis momento
DOMINUS dictus est, plenaria vero illius hæreditatis
& domini collati *χρησις* cum statu exaltationis arque glo-
riæ incepit.

OBS. II.

Cap. II. 1. Optime mihi quidem videtur hic locus
explicari ex 2. Cor. IV. 7. ubi dicimur *θησαυρον*
της γνωσεως της δοξης τε Θεου εν οσφρακτινοις σκευσι: jubet
igitur Apostolus, ut ne tanquam vasa rimarum plena con-
ceptum thesaurum diffuere sinamus, fidemque amitta-
mus.

v. 2. Non facile loquitur Apostolus de mandatis di-
vinis, quæ Deus hominibus per angelos nunciari jussit,
nec videtur Eruditiss. Schoetgenio ad h. l. nam, quod hic

λογός, Gal. III. 19. & Act. VII. 53. νόμος dicitur. Sine dubio igitur sermo est de lata lege: at quid obstat, quominus *δια* vertatur per *inter*, quod *inter* angelos, caterva ⲓⲛⲁⲛⲁ stipatus Deus, praesentibus & ministrantibus sibi legislatori angelis promulgaverit Legem. Omnino *δια* vertendum est per *inter* 2. Tim. II. 2. *

OBS. IV.

V. §. Cum Cap. XIII. 10. *πολις μελλεσαι* citra controversiam designet futurum ævum, & Christus Cap. IX. dicatur *αρχιερεὺς τῶν μελλόντων αἰγῶν*, adeoque Paulo in more positum sit, quando de eo, quod consummationem hujus universi insequetur, seculo verba facit, vocem *μελλῶν* in subsidium vocare ** utrique maximi ponderis argumenta esse debent, quæ ab hoc usu, & omnium antiquiorum explicatione, quæ *οικεμένην μελλεσάν* per futurum ævum exponit, nos avocant. Recentiores fere omnes huic expositioni in hæreere video, ut Ecclesiam N. T. designatam autumentur: *Cel. Wisius* in *Miscellaneis* peculiarem tractationem huic interpretationi dicavit, quod idem suscepisse *Olearium* in *diff. de analysi logica hujus epistolæ* animadverto. Non possumus argumenta eorum sub examen jam revocare. Duo videntur in verbis textus latere, quæ pro eorum sententia militent, lectorique primo intuitu obviam se tradunt. Unum est, quod addat Apostolus ad voces *οικεμένην μελλεσάν* hæc verba, *περι ης λαλεμεν*; Loquitur autem, inquit, in antecedentibus de ecclesia Novi Testamenti: hoc non negamus, prius non concedimus; ego putaverim, non sine causa Paulum usurpare pluralitatis numerum in voce *λαλεμεν* citra morem suum, qui is est,

* vid. stock. Int. Gr. N. T. §. 205. p. 216.

** 1. Tim. IV. 8. dicit *ζωην μελλεσάν*. Rom. VIII. 18. *δοξαν μελλεσάν*.

est, ut de se in unitatis maxime numero loquatur; In-
clusos autem hac phrasi cum Ebræos habet, id omnino
significatum voluissete puto, se jam de eo seculo verba
facere, de quo continui misceantur fidelium sermones,
quod desiderent, quod appetant, ad quod omnia, quæ
suscipiant, tanquam ad metam contendant. Alterum ar-
gumentum quod defendere possit aduersantis sententiæ as-
sectas, suppeditare videtur vocabulum *υπεραγῆς*, tanquam
verbum perfecti temporis, cum ramen, si seculum futu-
rum intendat Apostolus, nondum subiectum sit; Du-
plex etiam ad hoc præsto est responsio: primo perfectum
pro futuro in divinis oraculis omni pagina occurrens quis
ignoret? Deinde habet, quod etiam receptum est Ha-
giographis, verbum *υπεραγῆς* qualitatem adjunctam, puta
destinationem, consiliumque Dei: *non destinavit Deus, fu-
turum esse, ut subjiçiatur seculum futurum, angelis.* Jam quæ-
so attendas ad ea quæ in OBS. I attulimus, quod Aposto-
lus respiciat sæpius in hoc scripto Gnosticorum hæresin;
idem, quod Cap I. 2. contra eos stabilit, in hoc com-
mate defendit, tantum abesse, ut Christus inter æones &
angelos referatur, ut Deus non subjiçiendam iis decreverit
futurum beatorum cælitarum seculum; Christo vero illud,
& omnia alia subiecta esse significavit 1. Cor. XV. 17. 18.
In quod comma lectu est dignissima *Erici Melandri Theol. D.
& P. in acad. Upsalienf. Diss. de Filio Dei Patri subjiçiendo.*

OBS. V.

II. 13. Depingit Apostolus Judæis summam fide-
lium felicitatem, quæ cum Christo arcte jungantur, &
uniantur; Eam contra dubitantes duplici argumento sta-
biliendam sumit: alterum suppeditat consueta scripturæ
appellatio, v. 11. quæ fideles *fratres* Salvatoris enunciat:
alterum Veteris Foederis oracula Judæis satis, familiaria

addunt: primo Psalmus XXII. 1. qui hanc Fratrum appellationem continet: deinde Pf. XVIII. 3. Messias hoc Psalmo dicit: *Confido in eo scilicet in Patre caelesti*; Indicat his verbis suum exinanitionis statum, in quo ab omnibus desertus hominibus confidit in solo Deo: ita vero hac etiam in re fratribus factus est quam simillimus, quorum est, in miseriis & contentione cum Christo, exclaimare: *אֲדֹנָי כִּי*, & in sola Dei ope omnem collocare fiduciam: quomodo vero elegantius exprimi potuisset, & probari fidelium cum Christo unio? quis illos non unitos diceret, & artificissime junctos, qui in miseriis eandem invocant opem, in eodem confidunt Deo.

OBS. VI.

Cap. IV. Non prosequimur, quæ de requie ex hoc Capite afferri possent, & B. Sandhagenius in peculi scripto nitide tradidit, in eo tantum occupati, ut nexum probandi, qui multis non satis reperitur, paucis prodamus. Requies in V. T. erat imago felicitatis Judæorum, & typus prærogativarum Ecclesiæ N. T. Illud probat hoc capite Gentium Doctor. Adhortatur sub initio huj. Cap. I. uti scopus ejus in tota epistola, quem in Proemio indicavimus, est mere parcalæticus, ut hanc requiem, seu felicitatem Novi Fœderis ne negligant v. 1. Argumentum hanc adhortationem comitatur v. 2. namque promissa fuit hæc felicitas fidelibus in N. ut & in U. T. majoribus. Ostendit a) quomodo hanc prærogativa usi fuerint majoris sc. pessimum in modum; b.) quomodo ipsi ea uti possint, ad quos scribebat v. 3. Pergit demonstrare, quod re vera adsit felicitas, qua uti possint, probatque a.) typo requiei Dei post confectum creationis opus, ubi 1.) hæc requies ex Gen. II. 2. adducitur v. 4. 2.) monstratur, eam ipsam requiem esse, cujus fit mentio Pf. XCV. b.) ex

b.) ex typo requiei Israelitarum post subactas Palæstinae regiones, ibi iterum a.) stabilitur, re vera adesse, qua frui possint fideles N. T., requiem & felicitatem, quia scilicet ea neglecta sit a fidelibus V. T. v. 6. b.) tempus hujus requiei a Davide definitum assertur 3.) ostenditur, requiem in Canaane jam nullam esse superstitem v. 8. 4.) consequenter aliam, eamque spirituales superstitem esse debere in N. T., ut promissis Dei & typis fiat satis; quæ itaque requies non esset more majorum ab ipsis negligenda: Iteratur dein adhortatio, ut usu caperent Ebræi hanc requiem. 1.) cum impedimenta monstrantur, quæ in applicanda ea remoram injiciunt v. 11. 2.) Cum media suppeditantur ad eam acquirendam: primum est verbum Dei efficax v. 12. secundum est applicatio satisfactionis Christi summi nostri Pontificis, ut Dei, ut etiam hominis. Ita ordine aptissimo procedit demonstratio Paulina earum prærogativarum, quæ nos sub Novo Fœdere felices reddunt.

OBS. VII.

V. 7. Frustra hic objicitur, ea esse Christi prædicata, ut inter eum & V. T. Pontificem non sit discrimen: nam Pontifex V. T. obtulit preces & placamenta pro populi & suis delictis expiandis; Christus vero intercessit, non pro suis, sed pro nostris peccatis, pro sui vero liberatione ex passione instanti. Verum quod nos hac observatione intendimus, est vera notio vocis *ευλαβειας*, cui aliquando singularem operam tribuimus. Illa utique timorem in volvit, eum vero, quem religiosus cultus excitat, seu potius reverentiam. Profanis *ευλαβεια* sæpissime ponitur pro *δεισεια* & Act. XXIII. 10. *Ευλαβηδεις* idem est, quod *φοβηδεις*: timendus: quin &

in eadem significatione Patribus in usu fuit, NAZIANZENSIS inter afflictiones Christi nominat το εὐλαβες, quod metuit; & Syrus denique paraphrastes comma nostrum reddit: *ex timore & passionibus*. Indigitatur itaque, quod aliquando fufius deducemus, timor quidam, speciatim ex cultu promanans, sensumque adeo hujus vocabuli exacte, ut alia multa, exprimit B. noster LYTHERS, darum daß er Gott in Ehren hielt.

OBS. VIII.

V. 4. 5. 6. Versu quarto indicatur vocatio Christi divina ad officium sacerdotale; probatur istud v. 5. dicto Dei: *Tu es filius meus, hodie genui te*. Sine causa de hac probatione dubitatur; nam officium sacerdotale & æterna Christi generatio artissimo nexu uniuntur; non sufficiens fuisset hoc officium, ni Christus Deus, & ab æterno ad hoc officium fuisset destinatus. Porro, quod v. 6. dicatur κατὰ τὴν ἰδέαν idem, quod Cap. VII. 15. nuncupatur κατὰ ὁμοιοτητα nemini remoram injiciet, namque utrumque per Ebraeum על דברתי Psalm. CX. 4. indicatur.

OBS. IX.

VIII. 9. Difficultatem hic tolli posse, puto, si Ebraea per interrogationem negantem exponas: *Ego illis conjunctus uti Dominus & maritus manerem?* absolutum adeoque sensum servat Paulus: Utique non manebo, sed ἡμελησά, neglexi.

OBS. X.

VIII. 2. Conf. IX. 11. In utroque loco per σκηνην αληθινην intelligitur humana Christi natura, seu ipsum Christi corpus; nam

1) Apostolis usitatum est, corpus vocare tabernaculum 2. Cor. V. 4. I. 13. 14.

2) Ipsum Christi corpus tabernaculo & templo sæpius comparatur Joh. II. 19. Col. II. 9.

3) Comparatio hæc admodum concinna est: In V. T. tabernaculo in S. S. Deus singulariter se præsentem ostendebat: In corpore Christi *σαρκωτικῶς* habitat.

OBS. XI.

IX. 3. *Εναντιωφάνες* aufertur, si sub aureo thuribulo intelligas *θυσιαστηρίον θυμιαμάτων* altare suffitus, quod omnino *habuit* Sanctum S. non quidem intra se, sed extra velum e regione *τῆς ἱλαστήσεως* collocatum, ita ut fumus in ipsum SS. delatus fuerit.

4. Quod hic observaturus eram, jam notasse video Celeb. SCHOETTGENIUM, nullam nimirum difficultatem superesse, si constet, Paulum dicere, de eo, quod temporibus Moysis in arca fuerit, loca vero 1. Reg. VIII. 9. & 2. Chron. V. 10. loqui de temporibus Salomonis.

OBS. XII.

IX. 6. *Πρώτη σκηνή* dicitur sanctum, media pars tabernaculi, & atrium, ut distinguatur ab illis Sanctum Sanctorum; utique enim non in Sancto sed in atrio offerebantur victimæ.

OBS. XIII.

IX. 14. Per *spiritum æternum* indigitatur virtus divina Spiritus S. quæ & in utero materno formavit corpus Christi sanctissimum & per quam postea in morte, & passione humana Christi natura fuit sustentata Conf. Rom. I. 4. 1. Tim. III. 16. 1. Pet. III. 13.

OBS. IX.

OBS. XIV.

X. 5. Illud extra omnem dubitationis aleam positum est; Paulum non verba, sed sensum textus Ebraei repetere: nec id negari potest, Christum loqui de se *ex-inanito*, & indicare obedientiam suam in opere redemptionis. Id igitur restat, num Paulus suis verbis hoc satis prodatur? Id quod omnis tuto asseret, qui noverit, Græcos vocabulum *σωμα* fœvis applicuisse; Cujus rei testimonia & hunc etiam locum discussum erudite vide in *Johannis Vriemælii* Observatt. in Matthæi Capita V. priora ad Matth. IV. 10. p. 66. 67. seqq.

§. XIII.

Jam tempus erit, ut vela contrahamus, judiciumque de eo, quod in hoc schœdiasmate præstitimus, linquamus Lectori: Quisquis autem es, modeste de nobis sentias, lapsis veniam ne deneges, laudandis vero laudem ne præripias: verum si quæ aptiora & elegantiora habes, sincere moneas. Ita si de nobis æque feras judicium, plura erunt, quæ a nobis hisce in rebus poteris expectare.

F I N I S.

Menda exstantiora sic corrigantur.

In conspectu diss. §. V. pro voces nostras *lege* vocem nostram, p. 11. l. 4. pro exanimandis *lege* examinandis. p. 14. l. 5. pro indentum *lege* intentum. lin. 8. pro siti *lege* sit. p. 21. l. 13. pro *τελειον* *lege* *τελειων*. p. 26. l. 18. pro merita *lege* media. p. 39. l. 7. pro impuris *lege* impuros. lin. 26. pro scripturas *lege* scriptura. p. 10. pro itaque *lege* itaque.

COROLLARIA RESPONDENTIS

- I. Non est præ ceteris Dei oraculis Paulinarum epistolarum difficultas.
- II. Lingua Arabica est Theologo perquam utilis.
- III. Qui philosophicis non satis tinctus principiis, neque linguarum, quas originales vocant, subsidiis instructus est, ad sacram explicandam paginam non satis tuto accedit.
- IV. Hebræa lingua omnes reliquas antiquitate superat.
- V. Bibliorum versionibus non ea habenda est fides, quæ ipsi textui originali tribui debet.
- VI. Christus in orationibus suis ad sententias Iudæorum maxime attendit.
- VII. Datur Apodixis scripturæ.
- VIII. Ita proximi inserviendum est commodis, ne nos ipsi inde detrimentum capiamus.
- IX. Optimum est in interpretatione N. Foederis scriptorum subsidium, si probe observetur, Christum, Deum omniscium, ad cogitationes et mentales objectiones discipulorum & auditorum sæpius respondere.
- X. Causa errorum in interpretatione est subjectum Interpretis, respectu intellectus, voluntatis, & mediolorum.
- XI. Levia sunt admodum Iudæorum in doctrinam de accentibus merita.
- XII. Josephus fuit insignis typus Christi.
- XIII. Qui omnia linguarum principia demonstratione, quod ajunt, probare conatur, actum aget.

NOBILISSIMO AC DOCTISSIMO
M. OTTONI LVD. KOENIGSMANNO

S. P. D.

IO. GEORGIUS WALGHIVS.

Quum iterum præclari ingenii tui specimen
edis atque egregiam tuam cognitionem
earum rerum, quæ ad interpretationem atque
intelligentiam diuinorum oraculorum spe-
ctant, nouo commendas documento, omni-
no tibi de hoc felici litterarum tuarum pro-
gressu gratulor. Cognoui, quo nites, inge-
nium: vidi in scholis meis, quas frequenta-
sti, diligentiam tuam ac lætatus sum de præ-
mio studiorum tuorum, quod nuper amplis-
simus philosophorum nostrorum ordo tibi
decreuit. Spem præ te habes, fore, vt patriæ
atque ecclesiæ multos litterarum fructus ad-
feras atque imaginem paternæ eruditionis, in
te conspicuam, exhibeas eandemque tibi
vindices laudem. Propter has causas non
possum, quin tibi gratulandi munus præstem
atque immortalem deum implorem, velit te
conseruare atque omnes res tuas ita fortuna-
tas efficere, vt semper copiosorem habeas
materiam, sapientiam eius ac benignitatem
religiose ac caste celebrandi. Ien. d. II.

apr. M DCC XXXIX.

VIRO

VIRO
PRAECLARISSIMO DOCTISSIMOQUE
OTTONI LUDOVICO
KOENIGSMANNO,

ARTIVM MAGISTRO DIGNISSIMO

S. P. D.

IO. PET. REVSCH

PHILOS. PRIMAE ET RATION. PROFESSOR.

Ea est proh dolor! humanæ plerumque
fortis vicissitudo, vt optimorum paren-
tum degenerent filii atque damnosa ætas mul-
tum imminuat in posteris. TV vero, DO-
CTISSIME PRAESES, præclarissimo B. PA-
RENTIS exemplo incitatus sic in litterarum
studiis versatus es, vt optima quæque de
TVIS conatibus laboribusque sperare liceat.
B. PARENS magno eruditionis adparatu in-
structus egregia in ecclesiæ rei que litterariæ
vtilitatem destinavit atque molitus est: sed
morte occupatus multa reliquit inchoata,
multa quoque perfecit, quibus tamen prelum

ultimamque manu
igitur, ERVDITIS
cum adhuc paterni
cesseris: macte T
huic viæ, quam ha
ternas litterarum o
profer. Sic enim &
famæ & orbis litte
amplissime. Secunda
scendisti cathedram
conatibus lucem aff
sanctioribus. Non
philologicis peritiar
cum opus laudet an
sit verbis, si ipsa r
Quapropter ad vot
sus supremum hui
ardentissimis implo
nuat TVIS labori
fructus hinc in ecc
disseminentur largi
na fruire, quæ TV
Dabam Ienæ d.

nanum iniicere non potuit. TV
DITISIME KOENIGSMANNE,
aternis vestigiis laudabiliter in-
cte TVA virtute porro insiste-
am hactenus calcasti; auge pa-
um opes, auctasque in lucem
enim & B. PARENTIS & TVAE
is litterarii commodis inservies
ecunda iam vice PRAESES con-
edram philosophicam TVISque
em affundere allaborasti litteris

Non ergo est, vt TVAM in-
peritiam mea commendet oratio,
udet artificem: atque non opus
ipfa rerum testimonia prostant.
ad vota pro TVA salute conuer-
m huius vniuersi moderatorem
implo ro precibus, vt porro an-
laboribus atque studiis, quo
in ecclesiam remque litterariam
r largissimi. Vale atque fortu-
uæ TVAS exæquet perfectiones,
enæ d. viii. id. April. A. S. R.

CIO DEC XXXIX.